



ს ა ქ ა რ თ ვ ე ლ ო  
ლენთეხის მუნიციპალიტეტის საკრებულო  
G E O R G I A  
CITY COUNCIL OF LENTEKHI MUNICIPALITY



ოქმი:ო97.9723069001

თარიღი:10/03/2023

ლენტეხის მუნიციპალიტეტის საკრებულოს

მორიგი N-03 სხდომის

ოქმი

დ. ლენტეხი. 28/ თებერვალი/2023წ

მიმდინარე წლის 28 თებერვალს დღის 12 საათზე გაიმართა ლენტეხის მუნიციპალიტეტის საკრებულოს მორიგი სხდომა. სხდომა გახსნა საკრებულოს თავმჯდომარემ გიორგი გაზდელიანმა. სხდომას ესწრებოდა საკრებულოს 14 (თოთხმეტი) წევრი.

მოწვეული სტუმრებიდან სხდომას ესწრებოდა ლენტეხის მუნიციპალიტეტის მერიის პირველადი სტრუქტურული ერთეულის საფინანსო სამსახურის უფროსი ტახუ ჩანქსელიანი, ჯანმრთელობის და სოციალური დაცვის სამსახურის უფროსი ხათუნა ლიპარტელიანი, ინფრასტრუქტურის სამსახურის ხელმძღვანელი ლევან ლიპარტელიანი და იურიდიული სამსახურის უფროსი ტარიელ აფაქიძე.

საკრებულოს სხდომას ესწრებოდა საკრებულოს პირველადი სტრუქტურული ერთეულის (აპარატის) უფროსი მაყვალა ჩანქსელიანი.

სხდომის თავმჯდომარემ გიორგი გაზდელიანმა სხდომის წევრებს დასამტკიცებლად წარუდგინა დღის წესრიგის პროექტი:

1. ლენტეხის მუნიციპალიტეტის ტერიტორიაზე სახელმწიფო და ლენტეხის მუნიციპალიტეტის საკუთრებაში არსებული არასასოფლო - სამეურნეო დანიშნულების მიწის ნორმატიული ფასის დადგენის შესახებ.

/მომხს. დ. ტვილდიანი/

2. „ლენტეხის მუნიციპალიტეტის 2023 წლის ბიუჯეტის დამტკიცების შესახებ“ ლენტეხის მუნიციპალიტეტის საკრებულოს 2022 წლის 29 დეკემბრის N-23 დადგენილებაში ცვლილების შეტანის თაობაზე.

/ მომხს. ტ. ჩანქსელიანი/

3. 2023 წლის 1 იანვრისთვის ლენტეხის მუნიციპალიტეტის ბიუჯეტში არსებული ნაშთის განაწილების შესახებ.

/მომხს. ტ. ჩანქსელიანი/

4. „ლენტეხის მუნიციპალიტეტის მერიის დებულების დამტკიცების შესახებ“ ლენტეხის მუნიციპალიტეტის საკრებულოს 2017 წლის 22 დეკემბრის N-19 დადგენილებაში ცვლილების შეტანის თაობაზე.

/ მომხს. ტ. აფაქიძე/

5. ლენტეხის მუნიციპალიტეტის მერიის პირველადი სტრუქტურული ერთეულის ზედამხედველობის სამსახურის დებულების დამტკიცების შესახებ - ლენტეხის მუნიციპალიტეტის საკრებულოს 2023 წლის 31 იანვრის N-2 დადგენილებაში ცვლილების შეტანის თაობაზე.

/მომხს. ტ. აფაქიძე/

6. ლენტეხის მუნიციპალიტეტის მერიის პირველადი სტრუქტურული ერთეულის ჯანმრთელობისა და სოციალური დაცვის სამსახურის დებულების დამტკიცების შესახებ.

/მომხს. ხ. ლიპარტელიანი/

7. სოფ. ჩუკულიდან ლეკუმბასტის, როგორც ცალკე დასახლებად გამოყოფის და მისთვის ადმინისტრაციული ერთეულის სტატუსის მინიჭების შესახებ.

/მომხს. დ. პირველი/

8. სხვადასხვა .

დღის წესრიგთან დაკავშირებით შენიშვნა არ ყოფილა.

ღია კენჭისყრით:

მომხრე -14

წინააღმდეგი -0

დაადგინეს: დამტკიცდეს საკრებულოს მორიგი N-03 სხდომის დღის წესრიგი წარმოდგენილი სახით.

1. მოისმინეს: საკრებულოს ქონების მართვის და ბუნებრივი რესურსების კომისიის თავმჯდომარემ დალი ტვილდიანმა აღნიშნა, რომ მომზადებულია დადგენილების პროექტი „ლენტეხის მუნიციპალიტეტის ტერიტორიაზე სახელმწიფო და ლენტეხის მუნიციპალიტეტის საკუთრებაში არსებული არასასოფლო - სამეურნეო დანიშნულების მიწის ნორმატიული ფასის დადგენის შესახებ“. მომხსენებელმა განმარტა, რომ დადგენილებაში არ იცვლება არაფერი, წარმოდგენილია იგივე მონაცემები, როგორც გასულ წელიწადს, უბრალოდ უნდა გაახლდეს .

საკითხთან დაკავშირებით შენიშვნა არ ყოფილა.

ღია კენჭისყრის შედეგით:

მომხრე -14

წინააღმდეგი -0

დაადგინეს: დამტკიცდეს „ლენტეხის მუნიციპალიტეტის ტერიტორიაზე სახელმწიფო და ლენტეხის მუნიციპალიტეტის საკუთრებაში არსებული არასასოფლო - სამეურნეო დანიშნულების მიწის ნორმატიული ფასი წარმოდგენილი პროექტის მიხედვით.

2. მოისმინეს: მერიის პირველადი სტრუქტურული ერთეულის საფინანსო სამსახურის უფროსმა ტახუ ჩანქსელიანმა წარმოადგინა დადგენილების პროექტი

„ლენტეხის მუნიციპალიტეტის 2023 წლის ბიუჯეტის დამტკიცების შესახებ“ ლენტეხის მუნიციპალიტეტის საკრებულოს 2022 წლის 29 დეკემბრის N-23 დადგენილებაში ცვლილების შეტანის თაობაზე.

მომხსენებელმა განმარტა რომ ეს არის 2023 წლის ბიუჯეტში პირველი ცვლილება. უნდა აისახოს მთავრობის განკარგულებებით გამოყოფილი თანხები და 2023 წლისათვის არსებული ნაშთი.

სხდომის წევრებმა შეკითხვები დაუსვეს მომხსენებელს. მან პასუხი გასცა ყველა შეკითხვას.

სხდომის თავმჯდომარემ გიორგი გაზდელიანმა კენჭისყრაზე დააყენა საკითხი.

ღია კენჭისყრის შედეგით მომხრე -14

წინააღმდეგი -0

დაადგინეს: შევიდეს ცვლილება - „ლენტეხის მუნიციპალიტეტის 2023 წლის ბიუჯეტის დამტკიცების შესახებ“ ლენტეხის მუნიციპალიტეტის საკრებულოს 2022 წლის 29

დეკემბრის N-23 დადგენილებაში.

3. მოისმინეს: მერიის პირველადი სტრუქტურული ერთეულის საფინანსო სამსახურის უფროსმა ტახუ ჩანქსელიანმა სხდომის წევრებს გააცნო განკარგულების პროექტი - 2023 წლის 1 იანვრისთვის ლენტეხის მუნიციპალიტეტის ბიუჯეტში არსებული ნაშთის განაწილების შესახებ. მომხსენებელმა აღნიშნა, რომ 1 იანვრისათვის ნაშთი შეადგენს 4 941 266 46 ლარს.

საკითხთან დაკავშირებით შენიშვნა არ ყოფილა.

ღია კენჭისყრით:

მომხრე - 14

წინააღმდეგი - 0

გადაწყვიტეს: 2023 წლის 1 იანვრისთვის ლენტეხის მუნიციპალიტეტის ბიუჯეტში არსებული ნაშთი 4 941 266 46 ლარი განაწილდეს თანდართული დანართის მიხედვით.

4. მოისმინეს: საკრებულოს თავმჯდომარის პირველმა მოადგილემ დავით პირველმა აღნიშნა, რომ მიმდინარე წლის 17 იანვარს საკრებულოში შემოვიდა სოფ. ჩუკულის ლეკუმბასტის უბნის მაცხოვრებელთა ერთიანი განცხადება ლეკუმბასტის, როგორც ცალკე დასახლებად გამოყოფის და მისთვის ადმინისტრაციული ერთეულის სტატუსის მინიჭების შესახებ.

26 იანვარს ლენტეხის მუნიციპალიტეტის საკრებულოს ბიურომ განიხილა აღნიშნული განცხადება და მიიღო გადაწყვეტილება - შესაბამისი პროცედურების დაწყების თაობაზე. კერძოდ: მოგეხსენებათ, რომ ამ საკითხის გადაწყვეტას არეგულირებს ადგილობრივი თვითმმართველობის კოდექსის მე-4-ე მუხლის მეორე პუნქტში მითითებული „დასახლების შექმნისა და გაუქმების დასახლებისთვის შესაბამისი კატეგორიის მინიჭებისა და შეცვლის, აგრეთვე დასახლების ადმინისტრაციული საზღვრების შეცვლის“ წესი. ამ წესის მიხედვით მერიამ უნდა უზრუნველყოს ლეკუმბასტისა და ჩუკულის მოსახლეობასთან საკონსულტაციო შეხვედრის ორგანიზება. ამ შეხვედრაზე უნდა დაფიქსირდეს და დაოქმდეს ორივე მხარის თანხმობა. ოქმში უნდა ჩაიწეროს არგუმენტირებული მოტივაცია აღნიშნულ საკითხზე. შესაბამისი პროცედურები უკვე გავლილია.

აზრი გამოთქვა: მერიის იურიდიული სამსახურის უფროსმა ტარიელ აფაქიძემ -აღნიშნული საკითხი ადგილზე მისვლით იქნა შესტავლილი მერიაში შექმნილი კომისიის მიერ. შევხვდით მოსახლეობას, გაკეთდა საოქმო ჩანაწერი და დაიდო დასკვნა სოფლის გაყოფის მიზანშეწონილობაზე.

აზრი გამოთქვა: საკრებულოს წევრმა მევლუდ ლიპარტელიანმა ამ პროცედურების გავლის შემდეგ საკრებულოს სივრცით-ტერიტორიული დაგეგმარების და ინფრასტრუქტურის კომისიის სხდომაზე მოხდა საკითხის განხილვა და საკრებულოს სხდომისთვის დასკვნის მომზადება.

მომზადებულია განკარგულების პროექტი - სოფ. ჩუკულიდან ლეკუმბასტის, როგორც ცალკე დასახლებად გამოყოფის და მისთვის ადმინისტრაციული ერთეულის სტატუსის მინიჭების შესახებ.

სხდომის თავმჯდომარემ გიორგი გაზდელიანმა განკარგულების პროექტი დააყენა ღია კენჭისყრაზე:

ღია კენჭისყრით:

მომხრე - 14

წინააღმდეგი - 0

გადაწყვიტეს: მოწონებული იქნას წინადადება - სოფ. ჩუკულიდან ლეკუმბასტის, როგორც ცალკე დასახლებად გამოყოფის და მისთვის ადმინისტრაციული ერთეულის სტატუსის მინიჭების შესახებ.

5. მოისმინეს: მერიის იურიდიული სამსახურის უფროსმა ტარიელ აფაქიძემ აღნიშნა, რომ მთავრობის ადმინისტრაციიდან იყო შენიშვნები დადგენილებებზე, ეს შენიშვნები გათვალისწინებული იქნა და მომზადდა ახალი დადგენილებები:

1. „ლენტეხის მუნიციპალიტეტის მერიის დებულების დამტკიცების შესახებ“ ლენტეხის მუნიციპალიტეტის საკრებულოს 2017 წლის 22 დეკემბრის N-19 დადგენილებაში ცვლილების შეტანის თაობაზე.

2. ლენტეხის მუნიციპალიტეტის მერიის პირველადი სტრუქტურული ერთეულის ზედამხედველობის სამსახურის დებულების დამტკიცების შესახებ - ლენტეხის მუნიციპალიტეტის საკრებულოს 2023 წლის 31 იანვრის N-2 დადგენილებაში ცვლილების შეტანის თაობაზე.

3. ლენტეხის მუნიციპალიტეტის მერიის პირველადი სტრუქტურული ერთეულის ჯანმრთელობისა და სოციალური დაცვის სამსახურის დებულების დამტკიცების შესახებ.

შენიშვნები დადგენილების პროექტებთან დაკავშირებით არ ყოფილა;

ღია კენჭისყრით:

მომხრე - 14

წინააღმდეგი - 0

დაადგინეს: დამტკიცდეს დადგენილების პროექტები წარმოდგენილი სახით.

6. მოისმინეს: მერიის ინფრასტრუქტურის სამსახურის უფროსმა ლევან ლიპარტელიანმა წარმოადგინა განკარგულების პროექტი - ლენტეხის მუნიციპალიტეტში, მანანაურში წყალსადენი მაგისტრალის და შიდა ქსელის მოწყობის სამუშაოების პროექტის მოწონების თაობაზე.

შენიშვნა განკარგულების პროექტთან დაკავშირებით არ ყოფილა.

ღია კენჭისყრით:

მომხრე - 14

წინააღმდეგი - 0

გადაწყვიტეს: მოწონებული იქნას განკარგულების პროექტი - ლენტეხის მუნიციპალიტეტში, მანანაურში წყალსადენი მაგისტრალის და შიდა ქსელის მოწყობის სამუშაოების პროექტის მოწონების თაობაზე.

## 6. სხვადასხვა.

1. საკრებულოს წევრმა მირიან ლიპარტელიანმა აღნიშნა, რომ სოფ. წანაშში წინა წელს ჩამოსული ზვავის გამო არის სერიოზული საფრთხე. მიმდებარე ტერიტორიაზე შეიმჩნევა სერიოზული ნაპრალები. საკითხი აუცილებლად უნდა იქნეს შესწავლილი.

პასუხად საკრებულოს თავმჯდომარემ გიორგი გაზდელიანმა დაავალა საკრებულოს თავმჯდომარის მოადგილეს მეგლუდ ლიპარტელიანს და მერიის ინფრასტრუქტურის სამსახურის უფროსს ლევან ლიპარტელიანს, დროული რეაგირება გაეკეთებინათ აღნიშნულ პრობლემაზე და გაეგზავნათ წერილი თანდართული ფოტოებით საგზეო დეპარტამენტში.

2. საკრებულოს თავმჯდომარის პირველმა მოადგილემ დავით პირველმა დასვა საკითხი სააქტო დარბაზის დროულად მოწყობაზე. აქვე დაამატა, რომ თუ არ ხერხდება დარბაზის მოწყობა, მაშინ სკამები მაინც იქნეს შეძენილი კაბინეტებისთვის, რადგანაც ძალიან უხერხულია ის ფაქტი, რომ დეპუტატებს და თანამშრომლებს არ გვაქვს საკმარისი სკამები.

პასუხად მერიის საფინანსო სამსახურის უფროსმა ტახუ ჩანქსელიანმა აღნიშნა, რომ საკრატო ორგანიზაციიდან არის შეპირება დარბაზის აღჭურვაზე და ველოდებით ამ პროცესის დაწყებას.

ლენტეხის მუნიციპალიტეტის საკრებულოს მორიგი სხდომა დამთავრდა 14 საათზე.

გიორგი გაზდელიანი

ლენტეხის მუნიციპალიტეტის საკრებულო-საკრებულოს თავმჯდომარე

გამოყენებულია კვალიფიციური ელექტრონული ხელმოწერა/ ელექტრონული შტამპი

